

Poziv za slanje prijedloga

Trauma, pamćenje i ozdravljenje na Balkanu i šire

TPO fondacija i njeni/e cijenjeni/e partneri/ce sa zadovoljstvom pozivaju na slanje prijedloga za Međunarodnu konferenciju u Sarajevu, Bosna i Hercegovina, u trajanju od 12. do 14. jula 2016. godine, kojom se nastoji stvoriti interdisciplinarna arhiva znanja i mogućnosti za ozdravljenje sjećanja i trauma na Balkanu i šire.

U regiji koja je doživjela ogromno nasilje tokom tri rata u proteklom stoljeću, ožiljci traume su duboki i međusobno se prožimaju. Višestruka sjećanja nisu jednostavne priče o patnji, nego je riječ o društveno-političkim agendama koje se ogledaju u narativima žrtava. Sa historijskog stajališta, bol i veliki gubitak koje su iskusile sve strane u ovim oružanim sukobima i represivnim režimima podrazumijevaju činjenicu da su čitavi kolektivi duboko traumatizirani, što pak zahtijeva procese prihvatanja i ozdravljenja. Ovakva stvarnost, pomiješana sa instrumentalizacijom patnje, stvara društveno-dinamički nedostatak povjerenja, prihvatanja i empatije što je uvjet za kolektivno ozdravljenje. Naprotiv, ovaj začarni krug nasilja i žrtve može samo dovesti do budućih sukoba. Kako bi se mogao započeti proces oporavka ili detraumatizacije prema pravednijem, miroljubivijem i stabilnijem društvu, ono bi prije svega trebalo osvijestiti vlastitu traumu. U tom smislu, potrebno je kreirati društveno okruženje koje će podjednako uvažavati autentičnost traume pojedinca/pojedinke kao i kredibilitet traumatičnih narativa određenih grupa.

Koristeći širok spektar naučnih disciplina, ova konferencija predstavlja zajednički trud znanstvenika/ca i aktivista/kinja iz Bosne i Hercegovine i inozemstva. Prvi cilj konferencije je uspostaviti arhivu znanja kroz temeljnu analizu rada na izliječenju trauma na Balkanu, što ujedno može poslužiti kao osnova za kreiranje strateških preporuka budućeg rada nevladinih organizacija i agencija. Kroz koheziju lokalnih i međunarodnih ekspertiza, a u cilju detraumatizacije i ozdravljenja pamćenja, drugi cilj konferencije je izgradnja mreže aktivista/kinja i znanstvenika/ca koji/e dijele „najbolje prakse“ za psihosocijalni oporavak .

Na osnovu gore navedenih ciljeva, konferencija će proizvesti više rezultata. Nastojat će potaknuti i oblikovati:

- (a) interdisciplinarno učenje koje nadilazi regionalne grupne podjele i to kroz propitivanje postojećih istina konstruiranih od strane prethodnih generacija, te proširiti iste u nove mogućnosti za kolektivno ozdravljenje;
- (b) podizanje svijesti o sveprisutnom aspektu poslijeratnog života: okolnosti povezane sa traumom koje su stalno u toku, od lokalnih do globalnih historijskih, ekonomskih, političkih i kulturalnih stvarnosti;
- (c) procese psihosocijalnog ozdravljenja i ponovno osnaživanje dostojanstva kao dio procesa ozdravljenja. Ova vrsta ozdravljenja zahtijeva javno razmatranje, svjesnu odluku kao i političku volju na svim nivoima društva (vlade, lokalne zajednice i pojedinci/ke) da se iznova i kritički razmatraju esencijalni segmenti traume, kao i da se potiče zajedničko dijeljenje iskustava vezanih za ovaj fenomen i ekspertizu o njihovim mehanizmima;
- (d) razvoj pravednijih kulturalnih sjećanja, društvene solidarnosti i suradnje širom balkanske regije. Uloga znanstvenika/ca i aktivista/kinja koji/e nisu sa Balkana je da na osnovu vlastite stručnosti i iskustva kroz komparativnost i vanjsku perspektivu potpomognu gore navedeni proces.



Konferencija će također uključivati posjetu Srebrenici i Memorijalnom centru u Potočarima, kao i analize lokalnih studija koje tematiziraju neke od tematika koje će biti razmatrane na konferenciji.

Prijedlozi i radovi kojima se istražuje bilo koja od sljedećih (pod)tema su dobrodošli:

1. Prepoznavanje i razumijevanje individualnih i kolektivnih trauma

- Dijagnosticiranje individualne i kolektivne traume: simptomi, opisi, kategorije, reakcije
- Transgeneracijske traume i paradoks dvosmjernog kulturalnog i nacionalnog pamćenja
- Trauma kao posljedica seksualnog i rodno-zasnovanog nasilja
- Kolektivna trauma- uzroci i posljedice
- Kretanje izvan medicine: razumijevanje traume kroz alternativne okvire

2. Politika sjećanja, izabrana trauma i strategije pamćenja

- Instrumentalizirana sjećanja i viktimizacija
- Temeljni mitovi i izabrane traume koje izgrađuju društveno značenje
- Konstrukcija i maštovita projekcija sjećanja kroz:
 - jezik (npr. kao kreator identiteta) i priče (u medijima, literaturi, kroz interpretaciju, politički retorički diskurs, itd.),
 - slike i umjetnost (film, predstava, fotografija, primjenjene umjetnosti, literatura, itd.)
 - simboli (religijski, nacionalni, mitološki, itd.)
 - historijski narativi (u segregacijskom obrazovanju i udžbenicima, kroz spomen-obilježja i komemoracije, itd.)

3. Ozdravljenje, otpornost i smisao

- Osobno svjedočenje kao sredstvo ozdravljenja: činjenice i osjećaji
- Odnos između individualnog i kolektivnog ozdravljenja – kako društvena i zakonska pravda može omogućiti ili narušavati kliničko i individualno ozdravljenje
- Sučeljavanje između psihosocijalnih intervencija traume i izgradnje mira za ozdravljenje i društvene promjene
- Novinarstvo i društveni mediji: od (su)kreatora nasilja do zagovarača ili medijatora ka pravednom miru
- Uslovi za ozdravljenje: priznanje, žalovanje, izvinjenje, odgovor i „ponovno rađanje ljudskog dostojanstva“
- Kontekstualizirani izvori, strategije i prakse za suočavanje, otpornost i oporavak: religija, duhovnost, rituali, simboli, itd.
- Ekspresivne umjetnosti i ozdravljenje tijela i uma kao kritički elementi u službi izlaska iz “blokada“

Proces prijave

Rok za podnošenje prijedloga je 15. decembar 2015. godine. Prijedlozi trebaju uključivati naslov, apstrakt (maksimalno 300 riječi) i biografiju (maksimalno 300 riječi) i biti poslani putem e-maila. Kontakt osobe su: Julianna Funk juliannefunk5@gmail.com i Anja Maksić assist3@tpofond.org. Obavijest o prihvaćenim prijedlozima bit će objavljena do 31. januara 2016. godine, a dostavljanje potpunih radova se očekuje do 15. maja 2016 godine. Radni jezici konferencije su engleski i BHS, pa se apstrakti i radovi mogu dostaviti na engleskom i na BHS jezicima, s tim da se preferira slanje radova na engleskom jeziku. Konferencija će se održati od 12. do 14. jula 2016. godine u Sarajevu (BiH).

Mjesto održavanja konferencije je: Katolički školski centar, ulica Mehmed-paše Sokolovića 11, 71 000 Sarajevo

Zbornik najistaknutijih konferencijskih radova bit će sastavljen i uređen nakon konferencije kada će se ujedno i objaviti.

Naučni odbor i partneri

Zilka Spahić Šiljak, Stanford Univerzitet i TPO Fondacija (organizator)

Julianne Funk, Univerzitet u Cirihu i TPO Fondacija (organizator)

Barry Hart i Katie Mansfield, Centar za pravdu i izgradnju mira, Eastern Mennonite Sveučilište
Al B. Fuertes, New Century College / Škola za analizu sukoba i rezolucija, George Mason univerzitet

Alisa Mahmutović, Univerzitet u Zenici

Richard Mollica, Harvard program za izbjegličke traume

Shelly Rambo, Boston Univerzitet

Srdan Sremac, Centar za proučavanje živućih religija, Vrije Universiteit Amsterdam

Vesna Teršelič, Documenta, Centar za suočavanje s prošlošću

Prijave za sve zainteresirane učesnike/sudionike koji žele naučiti, čuti ili reći nešto više o ovim temama* su otvorene do **1. jula/srpnja 2016**. Sve druge informacije se mogu pronaći niže u dokumentu, kao i registracijski obrazac.



REGISTRACIJSKI OBRAZAC

MEĐUNARODNA KONFERENCIJA "TRAUMA, PAMĆENJE I OZDRAVLJENJE NA BALKANU I ŠIRE"

Ime i prezime:

Organizacija (ako je primijenjivo):

Broj telefona:

E-mail adresa:

Lokacija:

Sarajevo

Mjesto održavanja:

Katolički školski centar "Sv. Josip"
Mehmed – paše Sokolovića 11, Sarajevo

Cijena*:

50 BAM/25 EUR

Uplate možete izvršiti na ime: TPO Fondacija.
Broj transakcijskog računa: 1610000091360043 (BAM),
a za devizne uplate (EUR):
IBAN: BA391611000001608512
SWIFT CODE: RZBABA2S
Svrha: Konferencija "Trauma, pamćenje i ozdravljenje"

Rok za prijavu:

1. juli/srpanj 2016.

Prijave slati na adresu:

assist3@tpofond.org

Radni jezici: B/H/S jezici i Engleski jezik

Trajanje: 3 dana

Molimo, obratite pažnju da se bankarska provizija plaća dodatno. Ukoliko se odlučite za online plaćanje, molimo odaberite opciju **OUR (Vi snosite troškove prijenosa sredstava između banaka). Ukoliko se odlučite za plaćanje na šalteru u banci, također plaćate dodatno bankarsku proviziju.*

U cijenu su uključeni ručak za tri dana, kafe-pauze, kao i konferencijski materijal.

****Broj mjesta je ograničen.**



Više informacija o mjestu održavanja konferencije

KŠC “Sv. Josip” u Sarajevu se nalazi u ulici Mehmed – paše Sokolovića 11 i od samog srca grada, Bašćaršije, je udaljen svega nekoliko minuta hoda. S obzirom da je riječ o strogom centru grada, obilje znamenitosti kao i dostupnost različitih sadržaja se nalazi nadohvat ruke.

Kako doći? Ukoliko trebate s aerodroma doći do KŠC “Sv. Josip”, taksijem će Vam trebati 20-22 minute vožnje.

Cijene taksija: Što se tiče Sarajevo taksija koji svoje usluge nudi na samome aerodromu, imajte na umu da je njihova početna cijena 25 BAM/12, 50 EUR i da cjenjkanje ne dolazi u obzir. Ako želite, možete pozvati i druge taksi prijevoznike, a njihovi nazivi i brojevi su sljedeći:

Crveni taksi 033 760 600 ili 033 468 728

Kale taksi 033 570 900

Paja taksi 033 15 22

Žuti taksi 033 663 555

Samir & Emir taksi 033 15 16